

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dan. Stalii Regulae Philosophicae explicatae & Orationes aliquot

Stahl, Daniel

Jenae, 1662

Regula IV. Non necesse est, unum contrariorum si sit & reliquum esse

urn:nbn:de:bsz:31-102400

qualitas, ut cum contrariâ qualitate non possit consistere. Ita calor est in igne, quia tamen non potest esse subjectum frigoris, quia calor ipsi inest per naturam, neque forma ignis cum frigore potest consistere. Ita Javellus *X. Met. q. XIII.* Ut compendio dicam, dico: *Contrariorum esse idem subjectum nisi alterum ipsi inest per naturam.* Et de hoc (nimirum, quod est in subjecto per naturam) etiam minor syllogismi §. V. propositi vera non est. Ex igne enim calido non fit ignis frigidus, propterea scilicet, quod calor inest igni per naturam, ita ut sine eo esse non possit.

REGULA IV.

Non necesse est, unum contrariorum si sit, & reliquum esse. Aristoteles *Categor. Cap. XI.*

Relativè oppositum a est natura, ut si unum est, etiam alterum esse necesse sit: ut si pater sit, non potest non esse filius. At alia est contrariorum conditio; eorum enim unum in rerum natura esse potest sine altero, neque ex eo, quod unum est, inferre licet, & alterum esse; sicut non sequitur; *album est in rerum naturâ E. & nigrum.* Nam si Deus omnia nigra destrueret, relicti albis, quod quidem facillè factu ipsi esset, tunc per naturam alba subsisterent in rerum natura, nullo existente nigro. Locum etiam habet hoc pronunciatum in privativè & contradictoriè oppo-

oppositis, cum non necesse sit aliquod cœcum esse, existente eô, quod videt; & ante creationem mundi Deus erat, sed nihil erat, quod esset non-Deus. Sed quia in hisce extremorum alterum est non ens, ideò de contrariis specialiter Aristoteles ita pronunciauit.

REGULA X.

Si alterum contrariorum est naturâ, etiam alterum esse natura necesse est. II. de. Cœl. c. III. t. 19. I. de generat. & corrupt. text. 65.

Videtur hæc Regula directè adversari præcedenti; sed non adversatur, quia prior loquitur de contrariis quoad propriam eorum naturam; (natura autem cujusque contrarii in se spectata ad sui existentiam non requirit existentiam alterius, sicut Relatum ratione propriæ naturæ ad sui existentiam requirit existentiam alterius) at posterior hæc considerat contraria in ordine ad complementum uniuersi & vicissitudinem generationum & corruptionum. Si enim unum contrariorum esset in rerum naturâ, ut tamen non esset alterum, ipsa rerum natura seu mundus non esset ita perfectus, nec tamen generationum & corruptionum vicissitudo daretur. Videri potest Suarez *disp. Metaph. XLV. s. II. num. 18.* & Zimara *in Theorem. prop.*

35.

Ggg 5

RE-